




ԱՌԱՔԵԼ ՎԱՐԴԱՊԵՏ ԴԱՎՐԻԺԵՅՈՒ ՄԱՀՎԱՆ
300-ԱՄՅԱԿԻՆ ՆՎԻՐՎԱԾ ՀԱՆԴԻՍՈՒԹՅՈՒՆ
ՄԱՅՐ ԱԹՈՌՈՒՄ

Մայիսի 16-ին, շաբաթ օրը, առավոտյան ժամը 10-ին, Մայր Աթոռ ս. Էջմիածնի ողջ միաբանությունը, Գերագույն հոգևոր խորհրդի անդամները, վանքի պաշտոնեությունը, հոգևոր ճեմարանի դասախոսական կազմը և ուսանողությունը թափոքով գնում են ս. Գալանե վանքի մոտ գտնվող միաբանական գերեզմանատուն՝ իրենց հարգանքի տուրքը մատուցելու և հոգեհանգստյան արարողությանը ոգեկոչելու ԺԷ դարի մեծ պատմագիր Առաքել վարդապետ Դավրիժեցու հիշատակը:

Հանդիսությունը նախագահում է փոխլուսարարապետ տ. Հուսիկ եպս. Սանթրոյանը:

Հայրենասեր պատմիչի համեստ տապա-նաքարը ծածկվում է թարմ ծաղկեփնջերով՝ ճեմարանի ուսանողների կողմից: Հանդիսավոր և վեհ հնչում են հոգեհանգստյան երգերը, որոնք կատարում են հոգևոր ճեմարանի ուսանողները:

Մի պահ բոլորի հիշողության մեջ վերակենդանանում է պաշտոն անունը Մայր Աթոռի երախտաշատ միաբանի, որը «յողորմելի ծերությամբ» հասակում, «ցառագար մարմնով», թույլ ու դողդոջ ձեռքով ու տկարացած աչքերով գրի առավ իր պատմությունը և փափագ հայտնեց իր սիրած ու

պաշտած ս. Էջմիածնի նվիրական հարկի տակ «ամփոփիլ ի հող»:

Հայրենասեր պատմիչի իղձը կատարվել է: Եվ այսօր էլ նա հանգչում է համեստ մի շիրմաքարի ներքո, հարևանությամբ մեր մշակույթի և պատմության այլ վաստակավորների, ս. Էջմիածնի հովանու ներքո, Արարտի հավերժական նայվածքի տակ:

Հոգեհանգստյան ավարտին բոլոր ներկաները վերադառնում են հոգևոր ճեմարանի հանդիսությանը դահլիճ, որտեղ ժամը 11-ին սկսվում է Առաքել վրդ. Դավրիժեցու հիշատակին նվիրված հանդիսությունը՝ տ. Հուսիկ եպիսկոպոսի նախագահությամբ:


Հանդիսությունը սկսվում է ՀՍՍՀ պետական հիմնի նվագով:

Հոգևոր ճեմարանի ուսանողական երգչախումբը կատարում է «Որք զարդարեցին» շարականը: Հանդիսության բացումը կատարում է հոգևոր ճեմարանի տեսուչ տ. Շնորհք վրդ. Գասպարյանը՝ քարձր գնահատելով Առաքել պատմիչի եկեղեցական վեր ու հայրենասիրական գործունեությունը:

Այնուհետև հոգևոր ճեմարանի մի խումբ ուսանողներ՝ Սամվել Պետրոսյանը, Վրեժ Նաջարյանը (Գ դասարան), Խաչիկ Խաչատրյանը, Կտրին Ներսիսյանը (Բ լսա-



Հոգևոր ճեմարանի ուսանողները, տեսչի գլխավորությամբ, Առաքել վրդ. Դավրիժեցու շիրմի մոտ



Առաքել վրդ. Դավրիժեցու շիրմը

րան) և Սեզար Գոնտրալյանը (Ա լսարան) ընթերցում են հատվածներ Առաքել Դավրիժեցու պատմությունից: Ծեմարանի երգչախումբը կատարում է՝ «Երևան բաղ եմ արել», «Էրեբունի», «Էջ Միածինն ի Հօրե» և «Ծեմարանի քայլերգ» խմբերգերը:

Ապա Առաքել Դավրիժեցու կյանքի և գործունեության լայն լուսաբանությամբ և շահեկան քանախոսությամբ հանդես է գալիս հոգևոր ճեմարանի ավագ դասախոս և «Էջմիածին» ամսագրի խմբագիր Արթուն Հատիտյանը: Հիշյալ բովանդակալից գեկուցումը տպագրված է «Էջմիածին» ամսագրի սույն համարում (Էջ 22):

Առաքել վրդ. Դավրիժեցու հիշատակին նվիրված հանդեսի փակումը կատարում է

տ. Հուսիկ եպս. Սանթրուրյանը: Սրբազան հայրը վեր է հանում Մայր Աթոռի լուսամիտ ու հայրենասեր միաբանի կատարած եկեղեցանվեր ու հայրենասիրական գործունեությունը և կոչ է անում ուսանողությանը՝ իրենց ուսումնառության և ապա գործունեության հաջորդ տարիներում ընթանալ Առաքել վրդ. Դավրիժեցու եկեղեցաշեն ու հայրենանվեր գործունեության պատվալուծ ճանապարհով՝ լավագույնս ծառայելու համար Մայր Աթոռին, հայ ժողովրդին և մեր վերածնված մայր հայրենիքին:

Հանդեսը վերջանում է սրբազանի «Պահպանիչ»-ով և խմբովին երգված «Հայր մեր»-ով:

